捣藻堂四庫全書

音薈

要

史部

欽定四庫全書管要史第



詳校官編修臣王天禄

蘇者於祖常為高祖金季為鳳翔兵馬判官死節贈恒 州刺史子孫因其官以馬為氏曾祖伊克細爾從世祖 馬祖常宇伯庸世為永古特部居靖州天山有寶刺濟 欽定四庫全書舊要卷六千五百二十二史部 医日子 元史卷一百四十三 、傅第三十 馬祖常 明翰林學士五中大夫知制語兼修國史宋濂等修 A day 元史

甚器之延祐初科舉法行鄉貢會試片中第一廷武為 學 府事家于光州祖常七歲知學得錢即以市書十歲 征 獨歌燒屋解衣沃水 以滅大咸嗟 異之 既長益篤於 御史執簡太史執筆則雖有懷姦利己乞官求賞者 蜀儒張鎮講道儀真往受業其門質以疑義数十 宋留汴掌饋的官禮部尚書父潤同 二人授應奉翰林文字拜監察御史是時仁宗在 猶居東宫飲酒常過度祖常上書請御·正衙立朝 知漳州路總管 御 顉

月白き

政院經歷月餘群歸起為社稷署令亡何姦臣復相左 有當用不用之賢在官有當言不言之佞故致然爾疏 罷之秦州山移祖常言山不動之物今而動馬由在野 祖常知其強觀國史率同列劾奏其十罪仁宗震怒點 書請慎簡師傅于是姦臣特們德爾為丞相威權自恣 體近侍進御當思一獻百拜之義英宗為皇太子又上 不敢出諸口天子承天地祖宗之重當極調攝至于酒 大臣守家居待罪祖常薦賢拔滯知無不言俄改宣

ŗ

足日東全書 一

祭定親郊禮儀充讀冊祝官 拜治書侍御史思機政副 遷江南行臺中丞元統元年召議新政賜白金二百 翰林直學士除禮部尚書丁祖母憂起為右對善復 禮部尚書尋辭歸天歷元年召為燕王內科仍入禮 兩知貢舉一為讀悉官時稱得人性祭議中書省事 除翰林待制泰定建儲捏典寶少監太子左對善尋 開平縣尹因欲中傷之遂退居光州久之姦臣既死 鈔萬貫又應同知 嚴政院事遂拜御史中丞帝以其

貞祖常立朝既久多所建明當議今國族及諸部既 忠宣憲協正功臣河南行省右丞上護軍魏郡公諡 康訪司言孔氏訟事以事 關名教不行按者亦引去除 西臺御史劾其係禁酷時面有酒容以苦細點之山東 陕西行臺中丞皆以疾不赴至元四年卒年六十贈 有疾記特免朝禮光禄日給上尊祖常持憲務存大體 家副使項之辭職歸光州復除江南行臺中丞又遷

聖賢之書當知尊諸母以厚奏倫又議將家子弟縣脫

Ų

元 史

文宗當駐蹕龍虎臺祖常應制賦詩尤被 者有本集行於世當預修英宗實録又譯潤皇圖大訓 章宏贍而精核務去陳言專以先春兩漢為法而自成 武舉儲材以備非常時雖弗用識者題之祖常工於文 家之言尤致力於詩圓宏清麗大篇短章無不可傳 華事略又編集列后金鑑千秋記略以進受賜優屋 儒唯祖常云 孤任使而庶民有挽强蹶張老死草野者當建武學 匹庫全建 數賞謂中原

拂士不能過之始授承直郎集賢待制選兵部即中轉 要得諸許衛及父兄家傳長襲宿衛風神凝遠制行峻 太常禮儀院事拜監察御史陞河東亷訪副使未上遷 秘書監承奉命往數泉舶芥視珠犀不少留目改同 庫庫字子山宮喇氏父博果宏有傳祖雅克章事世祖 潔望而知其為貴介公子其遇事其蘇掀髯論辨法家 征有功庫庫 幼肆業國學博通羣書其正心修身之 飲

欠 己の東公告

筵官 陸侍書學士同知經蓮事復陸全章閣學士院大 書侍御史未行留為奎章閣學士院承制學士仍兼經 尚書監羣玉內司如故尋兼經庭官復除江南行臺治 士轉江南行臺治書侍御史拜禮部尚書監羣玉內司 秘書太監陸侍儀使尋擢中書右司郎中選集賢直學 陳庫庫視之泊如係佐以下片肅然遷領會同館事 庫正色率下國制大樂諸坊咸隸本部遇公燕衆伎

卷一百四十三

學士知經筵事除浙西康訪使復留為大學士知經筵

元梓人傳張商英七臣論尤喜誦說曾於經筵力陳商 更治化庫庫侍經遊日勘帝務學帝輕就之習授欲電 松言講誦帝側裨益良多順帝即位之後翦除權姦思 調宣文閣崇文監先是文宗屬精圖治庫庫當以聖賢 事尋拜翰林學士承旨知制語兼修國史知經庭事提 以師禮庫庫力解不可凡四書六經所載治道為帝納 而言必使辭達感動帝衷數暢旨意而後已若柳宗

英所言七臣之狀左右錯愕有嫉之之色然素知其賢

欠

足日華全書原

必憂見於色乘聞則進言於帝曰天心仁愛人君故以 覽宋微宗畫稱善庫進言微宗多能惟一事不能帝 父怒必釋人君側身修行則天意必回帝察其真誠 示做譬如慈父於子愛則教之戒之子能起敬起孝 君所致人君貴能為君他非所尚也或遇天變民災 何謂一事對曰獨不能為君爾身辱國破皆由不能 以進因言商王受不聽忠臣之諫遂亡其國帝一日 復肆愠帝眼日欲觀古名畫庫庫即取郭忠恕比干

陳言之臺諫不敢言則經筵言之備位經筵得言人所 開而深然之即日改奎章閣為宣大閣藝文監為崇文 館客豈有堂堂天朝富有四海一學房乃不能容耶帝 藝文監諸屬官庫庫進曰民有千金之産補設家塾延 殺者未嘗緘默大臣議罷先朝所置全章閣學士院及 不敢言於天子之前志願足矣故于時政得失有當臣 庫庫曾謂人曰天下事在宰相當言宰相不得言則臺 虚己以聽特賜濟遜燕服九襲及玉帶精幣以在其言

九己日車全書 一

存設如初就命庫庫董治又請置檢討等職十六員 修遼金宋三史歲久恐致闕逸後置局纂修實由庫 庫以重望居高位而雅愛儒士甚於鐵渴以故四 劉黃宋印雍以旌道徳正直帝從其請為之下 其端又請行鄉 制 人材以濟世用必有科舉何可廢也帝采其論尋 進講帝皆俞允時科舉既報庫庫從容為帝言古 日進讀司馬光資治通鑑因言國家當及斯 飲酒 於國學使民知遜悌及請褒

卷一百四十三

祖喜曰朕所以令柳從許仲平學正欲卿以嘉言入告 之下親署御名習書謹呈其敬慎若此世祖常暮召我 於賛善王怕令秘書所藏裕宗做書當時御筆於學生 士大夫俞然宗之萃於其門達官有怙勢者言曰儒 先人坐寢榻下陳說四書及古史治亂至丙夜不寐世 神宗萬好之意乎且儒者之道從之則君仁臣忠父 耳仰益加懋敬以副朕志今汝言不愛儒寧不念聖 好君酷愛之庫庫曰世祖以儒足以致治命裕宗學

Lio F

一者或身若不勝衣言若不出口然腹中貯儲有過人者 慈子孝人倫咸得國家咸治違之則人倫咸失家國咸 一车實至正五年五月年卯也年五十一家貧幾無以為 途矣近臣知帝意在庫庫不復薦人至京七日感熱疾 欲有所薦用以言現帝意帝曰平章已有其人今行半 亂汝欲亂而家吾弗能樂汝慎勿以斯言亂我國也儒 年復以翰林學士承旨召還時中書平章闕員近臣 可易視也達官色慙既而出拜江浙行省平章政事

治書侍御史遷淮西廉訪使皆有政聲再改河南廉訪 子淵敦默寡言嘴學能文在成宗朝宿衛權太常寺少 奏以罰布為之代償庫庫善真行草書識者謂得晉人 飲帝聞為震悼賜膊銀五 錠其所負官中 營運錢臺臣 使行省丞相行事多不法太尉納琳為郎中每格不下 稱旨至大間調大司農鄉除山南康訪使改江南行臺 筆意單順片紙人爭實之不規金玉諡文忠兄和和字 卿寺改為院為太常院使武宗正位以藩邱舊臣出使

ż

巴日華全書

立除宣政院使上言乞沙汰僧道其所有田宜同民間 運事奏減粮數以紹東南民力授太子詹事及改山東 議中書以議定刑書如法帝嘉納其奏奉定初廷議漕 丞 名 相怒欲出之和和察其賢抗章舉任風憲後悉三臺 訪使未上陸翰林侍講學士遷江浙行省右丞文宗 握中書右丞力辭還第聞明宗崩流涕不能食自 相拜珠首薦為户部尚書尋拜南臺侍御史改祭 臣 尉馬平章家奴强市人物按之無所貸其宗即 卷一百四十三

監丞擢給事中遷同众太常禮儀院事調崇文太監 集丹蒙古人也英宗時由舒庫爾齊權監察御史録囚 世號為雙璧云庫庫子維山材質清劭侍禁廷起崇文 大與縣有以冤事繁拙者其人當見有索歐死道傍因 策丹

是杜門不出者數年以疾卒與弟庫庫時為時之名臣

100

省委開渾河策丹往視之以為水性不常民力亦瘁 政事楊廷玉贓罪不報即納印還京師帝遣使追之俾 御史臺臺臣以為贓既具是特御史畏殺人耳不聽改 白 位爾入集賽之日英宗被弑必預聞其謀不省乃 任 他御史識之竟處死後數日遼陽行省以獲盗開冤 定匹庫在 1 即再上章劾廷玉竟如其言又劾秦平章政事 佐爾黃金繁腰策丹遂辭職改工部員外郎中書 人以是服其明泰定二年扈從至上都糾言祭知

見帝奏曰皇后行殿車帳尚新若改作之恐勞民費財 帝果問成否省臣乃召第丹責問之策丹請自入對 殿車帳皆新作之策丹未即與工尚書曰此特奉旨員 乃自世祖所御列聖嗣位豈能改作乎帝大悦語省臣 且先皇后無惡疾居之何嫌必欲拾舊更新則大明殿 以成功言於朝 河役乃罷會次三皇后祖命工部撤行 日國家用人當擇如策丹者庶不誤大事特賜上尊金 有誤則罪歸於衆矣策丹曰即有罪我獨任之未幾

灾

足日車全書

元史

英宗何以加皇太后號曰太皇太后策丹曰英宗孫也 議之策丹獨曰太后 幣運吏部員外郎帝欲加號太后曰太皇太后命朝堂 除中書左司即中有使持部自江浙還言行省臣意 議遂定選中書客省使俄改同会宣政院事文宗 有不服者帝怒命遣使問不敬狀將悉誅之策丹 上子也太皇太后之號孫可以稱之子不可以稱 雅克特穆爾曰皇帝新即位雲南四川且猶未定 稱太皇太后於典禮不合東時曰

之地使臣或不得厭其所需則造言以陷之耳雅克特 爾議封太保巴延王爵衆附之策丹獨不言雅克特 穆爾言于帝事乃止既而陞恭議中書省事雅克特 相宜請於上王爵非中書選法也遂罷其議拜治 問故策丹曰太保 以使臣一言殺行省大臣恐非盛德事况浙江豪奢 御史初文宗在集慶潛邸欲創天靈寺令有司起民 何以處之且丞相封王出自上意今欲加太保王封 5 位列三公復加王封後再有大功

ع 9

<u>₽</u>

行文宗在舟中顧調臺臣曰策丹終不滿朕此游耶臺 乘之尊而汎舟自樂如天下何不聽策丹遂稱疾不從 爾台魚憲湖南文宗常欲游西湖策丹諫曰陛下以萬 夫江南行臺監察御史伊齊爾台言曰太子為好事宜 江南行臺監察御史俾皆入為監察御史而欲點伊 錢募夫若欲役民則朝廷聞之非便也至是文宗悉 乃忠臣也今無罪而默之非所以示天下乃除伊齊 爾台第丹諫曰當陛下在潛即時御史盡心為陛下 **克匹月百**夏

里之名策丹言拉里為人訴語惟可任教坊司若以居 臣當奏除目文宗以筆塗一人姓名而 綴將作院官拉 祭議薩題策丹執不可僅以福建鹽引二萬賜之至是 御史大夫不以為怨數遣人省策丹母于京師所居既 御史順帝初除福建都轉運鹽使先是策丹為左司郎 紀則臺綱掃地矣文宗乃止己而出為陝西行臺侍 丹復建言鹽引宜盡資國用以給民力時薩題方為 時奉定帝嘗欲以河間江浙福建鹽引六萬賜中

Ì

E

東公書

元史

告者罪巴延怒策丹前曰太師所以令吾三人勘之者 者尋召為同食樞客院事尋復為治書侍御史同知經 噌喝齊位令有司强買民間物不從輒毆之有司來白 楚事寧夏人有告 瑪們等謀害太師巴延者巴延委策 策丹策丹即建之械以令衆自是丞相府無敢為民害 駙馬為江浙行省丞相者其官暨恃公主勢坐杭州達 而丁母愛居聞久之復起為浙江肅政康訪使時有以 丹與中書樞客等官往寧夏鞫問無其情乃以誣罔坐 贞

當之巴延乃左遷軍丹同知微政院事策丹思事四朝 宗備宿衛界遷為湖南道宣慰副使温德亨奉使宣撫 終始一節有古遺直之風然卒以是忤權貴而不復柄 官自從仕即累轉至通奉大夫常行行在位剛介弗 以國法所在也必以罪吾三人則策丹實主其事宜獨 用君子皆惜馬 阿荣字存初奇味氏父阿勒坦中書右丞 阿榮幼事武 阿榮

飲定四庫全書

16一百四十三

大太禧宗裡院使都典制神御殿事文宗養遇之甚而 疾解天思初復起為吏部尚書尋祭議中書省事二年 秦定初出為湖南宣慰使改浙東道宣慰使都元帥以 湖南事無大小悉以委之會列郡歲饑阿荣分其康禄 拜中書祭知政事知經庭事進奎章閣大學士荣禄大 廣行省左右司郎中召魚會福院事尋除吏部尚書 懼阿榮鎮之以靜督有司治兵守其境寇不敢入遷 粥以食餓者仍發栗販之所活甚聚廣西寇起東肯

集曰更一科後科舉當輕輕两科而復復則人材彬彬 之寶為寺男子烈丈夫者固不當如是耶日與韋布之 前代治亂得失見其會心者則扼脫曰忠臣孝子國家 南歸武昌至元元年卒初阿榮閉居以文翰自娛博完 阿紫亦盡心國政知無不言久之心忽鬱鬱不樂謁告 飲定四庫全書 人 ,年春策士于廷阿榮與虞集會于直盧慨张興數語 游所至山水住處鳴琴賦詩日夕忘返尤深于數學 推事成敗利不利及人禍福壽天貴賤多奇中天思

士之多幸如存初言今文治方與未必有中報之理存 集老且衰見亦何補 爾約蘇哈雅祖阿爾哈雅有傳父楚國忠惠公名衮 國家世臣妙於文學以盛年登朝在上左右斯文屬 出矣又數曰榮不復見之矣君猶及見之集應曰是 始復如其言 以知之弗答後三年卒元統三年科舉果罪至正元 蘇爾約蘇哈雅 耶阿榮又數曰數當然耳集

旨皆出人意表 初襲父官為兩淮萬户府達噜噶齊鎮 捷稍長折節讀書目五行下吐辭為文不蹈襲故常其 易或挽强射生逐猛獸上下峻阪如飛諸将咸服其趫 黎立而待馬至 騰上之越二而跨三運 樂生風觀者母 彩秀異年十二三膂力絕人使健兒驅三惡馬疾馳持 水州御軍極嚴 猛行伍肅我 稍暇輕投壺 雅歌意所暢 母康氏夢神人授以大星使太之已而有好及生神 根蘇爾約蘇哈雅會以貫為氏家格

ż

IN DIE TO THE COM

元史

禁中仁宗践阼上疏條六事一曰釋邊成以修文德二 適不為形跡所拘一日呼弟呼圖克哈雅謂曰吾生官 弟幸弗群語已即解所館黄金虎符佩之比從姚燧學 情素薄顏祖父之爵不敢不襲令已數年矣願以讓弟 日教太子以正國本三日設諫官以輔聖德四日表姓 其有如是賢者耶俄選為其宗潛部說書秀才宿衛 見其古文峭属有法及歌行古樂府慷慨激烈大寺 仁宗在東宮間其以爵位讓弟謂宮臣将相家子

尊居甲昔賢所尚也今禁林清選與所讓軍資孰高人 名易服色人無有識之者偶遇深山樂見漁父織蘆花 将議吾後矣乃稱疾辭還江南賣藥于钱唐市中說姓 至道書凡萬餘言未報拜翰林侍讀學士中奉大夫 語同修國史會議科舉事多所建明忽喟然數曰辭 被欲易之以紬漁父疑其為人陽曰君欲吾被當 在熟胃五日定服色以變風俗六日舉賢才以

赋詩送援筆立成竟持被去人問喧傳蘆花被詩其依

足可車至書

慮 虺 有學識能詞章歸懷慶路總管段謙云 一情有文集若干卷直解孝經一卷 行世子男二人阿 古人之所長變化自成一家所至士大夫從之若雲 其片言尺贖如獲拱壁其視死生若畫夜絕不入念 偷偷若欲遺世而獨立云泰定元年五月八日卒年 玩世多類此晚年為文日邃詩亦沖澹草隸等書 蘭哈雅慈利州達鳴喝齊次布斯哈雅 九贈集賢學士中奉大夫護軍追封京兆郡公 孫女一 諡

宗建全章閣學士院推典義拜中臺監察御史順帝即 官遂居于台家貧好讀書能記問集賢待制周仁荣養 名世居伯頁山父塔布台入直宿衛歷仕台州録事判 台哈布哈字兼善巴約特氏初名塔斯布哈大宗賜今 及第授集賢修撰轉松書監著作即拜江南行臺監察 而教之年十七 江浙鄉武第一明年對策大廷賜進士 御史時御史大夫托數怙勢貪暴台哈布哈劾罷之文 台哈布哈

風 自 不當受王土太后怒欲殺言者台哈布 位 欽 憲有臣 直 我發之甘受誅戮決不累諸公也己而 會台哈布哈入朝言於中書免其租 地封王台哈布哈率同列言嬸母不宜加 加文宗后太皇太后之號大臣雅克特穆爾巴延肯 經 定四庫全書 思辭不赴轉江浙行省左右司 即中 出魚河南東訪司事俄移淮西繼遷江南行御 如此豈不能守祖宗之法乎 擢 贻 賜 太后怒 秘書監改 語 浙西大水 金幣二以 衆曰此事 癥 稱 解 相 害 史 旌 臣 曰

竣事上言淮安以東河入海處宜做宋置 掠清夫用 尚書兼會同 令民自實田 之讐逼遂入海為亂劫掠漕運粮執海道千户德呼納 田其事中廢八年台州黃嚴民方國珍為蔡亂頭王伏 龍 召入史館與修遼宋金三史書成授秘書即陸 侍郎至正元年除紹與路總管革吏與除沒官件 鐵掃撼荡沙泥隨潮入海朝廷從其言會用夫 以均賦役行鄉飲酒禮教民與讓越俗大 館事黃河洪奉韶以珪玉白馬致祭河 禮 屯 部

ĸ

足可事私考其

五虎 蘇 事聞 田 使十年十二月 翰林侍讀學士知制語同修國史已而出為都 聞 門 以官國珍不肯赴勢益暴横九年 遂被執國珍迫其上招降狀朝廷從之國珍兄弟 深韶江浙, 記博羅特穆爾為江浙行省左承總兵至慶元 國珍知事危焚舟将通官軍自 既得其狀遂上招捕之策不聽尋除江東康 条政多爾 國珍復入海燒掠 濟巴勒總府師追捕至福 詔台哈布哈察 江 相驚清多爾 海州 郡十 訪 濟

博羅特穆爾被執反為國珍節辭上聞台站布的聞之 珍夜率勁卒縱人鼓誤官軍不戰旨清赴水死者過半 未合兵進討博囉特穆爾乃以壬辰先期至大問洋國 温州夾攻之未幾國珍寇温台哈布哈縱火筏焚之 以台哈布哈語知賊情遷浙東道宣慰使都元帥分兵 至黃嚴招之國珍兄弟皆登岸羅琴退止民間小樓是 夕通去既而博耀特穆爾家與台哈布哈約以六月乙 痛情報食數日朝廷弗知復遣大司農達實特穆爾等

ALIO W

鉑 中秋月明台哈布哈欲命壯士襲殺之達實特穆 海 夜過台哈布哈家白之達實特穆爾曰我受部招 信使來歸國珍益疑拘大用不遣以小舸二百突 國發兵犯黃嚴之澄江而遣義士王大用 師守大江國珍懷疑 定 舟兵器國珍兄弟 復授官有差既而遷台弘布 '擅命耶乃止機台哈布哈親至海濱散其徒衆 路達嚕噶齊十二年朝廷征徐州命江浙省臣募 卢 復入海叛台哈布哈自分以 抵國珍示 拘 翢 降

寒情頭羅願行時 國珍底黨陳仲達往來 計議陳其可 哈覺其異手斬之即前搏賊船射死五人賊躍入船 要誠慮負所學今守海隅賊甫招來又復為變君華 我擊之其克則汝衆功也不克則我盡死以報國耳 狀台哈布哈幸衆張受降旗乘潮而前船觸沙不能 垂與國珍遇呼仲達申前議仲達目動氣索台哈布 入洲泼犯馬鞍諸山台 哈布哈語衆曰吾以書生登 復

火

E 9

Þ.

ALIO IN

死二人賊舉 與來剌輒斫折之賊羣至欲抱持過國

平為臺臣劾罪台哈布哈獨餞送城外太平曰公且止 立廟台州賜額崇節台哈布哈尚氣節不隨俗浮沈太 刺之中頸死猶植立不朴投其屍海中年四十九時 珍船台哈布哈瞋目叱之脱起奪賊刀殺二人賊攢架 知政事行台州路達噶噶齊事不及聞命後三年追贈 二年三月庚子也僮名抱琴及臨海尉李輔徳千户 辰義士張君璧皆死之台哈布哈既沒除江浙行省泰 禄大夫江浙行省平章政事柱國封魏國公益忠介

澄弟子張恒游文學日進元統元年賜進士及第授同 余闕字廷心一字天心唐古氏世家河西武威父實喇 古編十卷改正 譌字於經史多有據云 ·藏布官廬州遂為廬州人少喪父授徒以養母與吳 時相擯斥人其不避之善篆隸温潤道勁常重類復 以我累公台哈布哈曰士為知已死寧畏禍耶後雖 泗州事為政嚴明宿吏皆憚之俄召入應奉翰林文 余闕

元史

主

實保當師師堅不往無敢讓之者關曰右丞當往受天 字轉中書刑部主事以不阿權貴棄官歸尋以修遼金 子命為方岳重臣不思執弓矢討賊乃欲自逸耶右丞 宋三史召復入翰林為修撰拜監察御史改中書禮部 盆定四庫全書 往實保曰即中語固是如芻的不足何闕曰右承第 外部出為湖廣行省左右司郎中會莫稱蠻反右丞

此不難致也闕下令趨之三日皆集實保行復以集

經歷召入選翰林待制出会浙東道康訪司事丁母

中書得鈔三萬錠以賬民陞同知副元帥又明年秋大 十日而寇至拒却之乃集有司與諸將議屯田戰守計 東改宣慰司為都元帥府治淮西起關副使魚都元帥 粥以食之得活者甚聚民失業者數萬咸安集之請於 環境築堡岩逐精甲外杆而耕稼于中屬縣灣山八社 憂歸廬州盗起河南陷郡縣至正十三年行中書於淮 府事分兵守安慶于時南北音問隔絕兵食俱乏抵官 壞沃饒悉以為屯明年春夏大饑人相食乃捐俸為

兵平之令民取湖魚而輸魚租十五年夏大的江漲屯 早為文磚灣山神三日雨歲以不饑盗方據石蕩湖 鉝 未半沒城下水湧有物吼聲如雷閥祀以少年水 四面起飛樓表裏完固係陞都元帥廣西苗軍五萬 環以大防深塹三重南引江水注之環植本為冊城 埞 粮益得粮三萬科闕度軍有餘力乃沒隍增降隍 月五十二 表一百四十三

使之窺中國詔阿爾斯蘭還軍苗軍有暴於境者即

帥阿爾斯蘭沿江下抵蘆州闕移文謂苗蠻不當

自 餘竟敗而走秋 日敗去未幾又至相拒二旬始退懷寧縣達噜噶齊伯 通道于江右商旅四集池州趙普勝即衆攻城連戰三 努戰死十七.年趙普勝同青軍两道攻我拒戰一月 上游直搏 命義兵元帥胡巴延統水軍成馬十月 沔陽陳友諒 淮 保 障論功拜江淮行省祭知政事仍守安慶 拜淮南行省右丞安慶倚小孤山為藩 孤山巴延與戰四日 夜不勝急趣安慶

次 足 日 車 全 書

計

被之其敢犯時羣盗環布四外闕居其中左提右挈此

之徒步提戈為士卒先士卒號哭止之揮戈愈力仍 震地関分諸将各以兵打賊畫夜不得息奏卯賊益 依饒州祝寇攻西門闕斬却之乙已賊乘東門紅 **奉盗四面蟻集外無一甲之援西門勢尤急闕身當** 兵攻東門两午普勝軍東門友諒軍西門祝寇軍南 追至山口鎮 又却之賊惠甚乃樹柵起飛樓庚戌復來攻我金鼓 闕簡死士力擊賊復敗去戊申賊并軍攻東西二 明日癸亥遂薄城下闕遣兵扼於觀音 旗

寧俱死此誓不從賊焚死者以千計其知名者萬戸李 執之以去不知所終城中民相率昼城樓自捐其梯日 宗可紀守仁陳彬金承宗元帥府都事特穆爾布哈萬 同時死者守臣韓建一家被害建方臥疾罵賊不屈賊 十餘 水塘中 闕妻伊伯氏及子德生女福童皆赴井死 經歷段桂芳千户和斯布哈錫里盧廷玉葛延齡 創日中城陷城中火起闕知不可為引刀自

5

元史


二十四

下將督三門之兵自以孤軍血戰斬首無算而闕


亦

雨 邱 同 圖 籲 鉑 逐 嚼 甘苦然稍有違令即 士 陷 天求以身代 灾 命 **岱經歷楊** 許元琰奏差 聽使知尊君親上之義有古良將風烈或欲挽 之日至正十八 以盾蔽闕 眉 稍 暇 即 闕 闕 恒 注周 却之曰 知事余中懷寧尹陳巨濟凡十 鄂 闖 都 易 年正月丙午也 强 斯以伯 帥 衣 請生調 汝華亦有命何蔽我為故 勒百户黄寅孫安慶推官 冠而出當出戰矢石亂下 闕皆病不視事将士皆 郡學會講立軍士 闕 號 令嚴信與下

棺斂葬於西門外及安慶內附大明皇帝嘉闕之忠詔 禄大夫淮南江北等處行中書省平章政事柱國追封 卒時年五十六事聞贈關據誠守正清忠詩節功臣荣 入翰林關以國步危蹙辭不往其忠國之心益素定也 論也篆隸亦古雅可傳初闕既死賊義之求屍塘中具 魄能達其所欲言詩體尚江左髙視絕謝徐庚以下不 越國公益忠宣議者謂自兵與以來死節之臣闕與褚 哈為第一云闕留意經狀五經皆有傳注為文有氣 元史 主



庫庫傳即日改奎章閱為宣文問藝文監為崇文監存 元史卷一百四十三考證 馬祖常傅左選開平縣尹 飲定四庫全書 設如初 置學士唯設授經郎等官考其建革非一時事也 月始以崇文監屬翰林國史院九月始立宣文問不 六年至十二月又改藝文監為崇文監至正元年五 改 按順帝本紀及百官志奎章問罪于至元 按開字舊批開據地理志



欽定四庫全書養要卷六千五百二十三史部 列傅第三十一 元史卷一百四十四 明翰林學士亞中大夫知制語兼修國史宋濂等修 達爾瑪

欠 己の 和 か 号

大德十一年授御樂院達鳴喝齊遷回回樂物院尋出

討李瓊以熟授山東行省大都督達爾瑪弱冠入宿衛

達爾瑪高昌人大父薩奇蘇為遼王傅世祖稱其賢從

華皆註誤無罪而反桎梏耶悉縱之至治元年特們 顄 高昌僧恃丞相威違法娶婦南城達爾瑪詰問之奮不 僉 復相以復雌為事達爾瑪辭去明年改燕南道康訪 徹思歲不決達爾瑪曰殺人者既逃存亡不可 利害風紀由是大振揮河東道廉訪副使照州村 德爾專權貪肆達爾瑪師同寅琳沁馬祖常劾其罪 湖 神因醉殿殺姚甲為首者乘開逃去有司速同會 熕 北山南两道廉訪司事召拜監察御史時丞相 A 卷一百四十 知 持 者

子亦誤觸死媪年七十同僚議免刑達爾瑪不可曰國 還職行唐縣民砍桑道側偶有人借斧削其杖其人夜 未曾知情即縱之深州民媪怒歐兒婦死婦方抱其子 持杖劫民財事覺并建於主與盜同下獄達爾瑪原其 石布哈岱實不與飲酒於是抵誣告者罪石布哈岱 罪人七十免刑為其血氣已衰不任刑也姐既 証具與民妻俞氏飲達爾瑪察知俞氏乃八十老 使開州達鳴噶齊石布哈岱頗著政績同僚忌之喉 復

ج . و .

F. .

元史

能

擊野雀誤殺同牧者擊獄数歲達爾瑪曰小兒誤殺同 學勘農百廢具修府無停事濟陽縣有收童持鐵連 二人何謂衰老卒死獄中至治元年除濟寧路總管與 者實無殺人意難以定罪罰卸造之泰定元年陸 結 福

院判官卓琳亦取縣于當僧達爾瑪皆劾之遷浙西康

使會文宗發江陵阿爾噶圖來諭古求略不獲還諮

廉訪使朝廷遣官官巴延惟督繡段横取民財宣政

于朝召至京處以重罪比至帝 怒解遷上都同知留守

能 天歷元年八月明宗崩文宗入正大統使者旁午達爾 遊陽謁省官各奉布四及書一幅用征東省印封之 諸 散無虚增之數國費大省帝復賜黃金腰帶以往 元統元年程遼陽行省參知政事高麗國使朝 淮東廉訪使明年召拜刑部尚書國制新君即位必 朝暮盡力事無缺失帝特賜錦衣以嘉之天歷三年 圧駙馬如主及宿衛官吏金帛達爾馬曰必唱 京 其 名 湭

達爾瑪話其使曰

國

元史

制設印以署公贖防姦偽何為封

書殺掠達爾馬以為官吏貪污所致先劾去之而後 統三年遷山東廉訪使時山東盗起陳馬縣及新李白 書遗我汝君臣何欺詐如是耶使辭屈還其書與布 私書况汝出國時我尚在京木為遼陽省官今何故 擒賊方略朝廷嘉納之即遣兵擒獲齊魯以安除大 廉帝曾命達爾瑪修七星堂先是修繕必用赤緑金 裝飾達爾瑪獨務樸素令畫工圖山林景物左右年 留守帝宴大臣於延春閣特賜達爾瑪白鷹以表其 都 上

鱼灰皮

全書

為管領齊哩克民集賽官祖哈喇襲職事世祖父布吗 伊唱特穆爾布朗吉爾都爾伯特氏曽祖古裕事太祖 章政事不拜全俸優養終身 遷陝西行臺中丞時年六十九致事後白商議中書平 正六年陛河南行省右丞改翰林學士承肯至正七年 撫壁數曰有心哉留守也賜白金五十两錦衣一襲至 飲定四庫全書 伊唱特穆爾

少皆不然是歲秋車駕自上京還入觀之乃大喜以手

幼 迎武宗累遷至山北遼東道肅政廉訪使伊魯特穆 禁廷毋止其入哈喇哈斯欲用為中書蒙古筆且齊 未曾忘因命托和台傳旨四集賽扎薩克和碩令常 右曰斯人容貌不凡誰之子耶左右忘其父名伊鳴 斯之子托數同入國學仁宗時入宿衛一日帝顧 警穎讀書强記做盧有大志年十二成宗命與哈喇 由宿衛為中書右司員外即與丞相哈喇哈斯建議 爾對曰臣父布呼齊也帝曰汝父替謀以定國 難

殿帝顧左右謂曰伊鳴特穆爾識量明遠可大用 印 右丞相特們德爾受張弱財六萬貫貸死帝怒碎太 爾 給事中左侍儀同修起居注尋為右司郎中賜坐便 辭馬哈喇哈斯曰汝年幼欲何為乎對曰欲為御史 賜伊鳴持穆爾鈔萬貫除兵部即中拜殿中侍御 人壯其志久之遂拜監察御史巡按上都劾奏太 者 師

朕欲為太上皇與若等遊觀西山

ノス

太

元史

<u>.</u>

ŗ

£

宗 金 崩 誣丞相受財皇太后命丞 保 徽宗皆當禍 天年御史中必曼濟翰林學士明将棟阿皆稱 特 萬世無疆之業前代虚名何足慕哉帝善其 穆 月五十二 微特 阚 們德爾復入中書據 獨 起拜曰臣聞 們德爾使青沙津恕伊唱特 亂不得已而為之者也顧陛下正大 昔之所謂太上皇若唐玄 相哈克織等即徽政 相 位参議青沙津以受 穆 一爾為 院 對 御 善伊 推 宗 位

不實事遂釋特們德爾乃奏以伊噜特穆爾為山東

女冒受封明将楝阿因說巴延收之丞相 **过皇子過河南而伊鳴特穆爾為御史時曾刻** 一参政受命何人則将何辭以對已延怒會明将棟 拜布哈亦 Ļ

足口事私書 電

首然知政事共議起兵伊鳴特穆爾固辭曰皇子北還

元年河南行省平章巴延為制起伊雪特穆爾為本

泰定初遷汴梁路總管再調總管武昌以養親不赴致

計丁外艱扶喪西還推山南江北道肅政廉訪副

運司副使降亞中大夫為承事即期月間 鹽課增

鹽

留之以母喪未葬解四年乃起同知将作院事尋除 置雷州至元六年順帝召之還至正二年入覲帝欲 有際乃請伊鳴特穆爾乾寧安撫司安置至順三年 卷一百四十四

馬十二年江南諸郡盗賊充斥詔拜伊嚼持穆爾平 占 正府 知經從事進讀之際引援經史壹本於王道帝嘉 伊克扎爾古齊九年由太醫院使拜翰林學士

宗

計已緩若從權行事猶有可為不從陸解賜尚醖御衣

政事行省江浙因言于丞

相

托克托曰守禦江南

為

宿衛歷事武宗仁宗英宗天歷初由太常署及拜監 御史殿中侍御史累除大都路達噜唱齊都轉運鹽 已延特穆爾字珍卿唐古鄂摩克氏性明銳倜儻早備 集父老詢守備之方招募民兵數千人號令明肅 次建德獲首城何福斬于市遂復淳安等縣俘獲萬 復業者三百餘家是年七月次徽州以疾卒于軍中 巴延特穆爾 察 使 餘

ŗ

E 9

THE AL ALLO

亏矢甲胄衛卒十人鈔萬五千 貫以行北至鎮引係

統

師

政事桑節江南行臺御史中丞曼濟哈雅皆以兵駐 肅政廉訪使由行中書首參知政事程左右丞推行御 宿留不進巴延特穆爾至乃與俱前賊方聚丁家 艦三百艘時湖廣平章政事額森持穆爾江西平章 贼徐壽輝遣兵陷湖廣侵江東西站已 延特穆爾率 '臺中丞遂拜江浙行省平章政事至正十二年春勤 討之巴延特穆爾益募壯健為兵得聽勇士三千人

巴月月日

卷一百四十

官軍猝與遇奮擊敗之遂復銅陵縣擒其贼師復池州

無為州而自率鎮 義我其可緩且上流官軍雖潰然皆百戰之餘所乏者 安慶與池止隔一水今安慶固守是其節也而殺患之 援 順 流 遂分遣萬户普賢努屯陽陵王建中屯白面渡魯爾討 為之節度已而江 諸將皆欲自守信地已延特穆爾曰何言之不忠耶 王庫春布哈軍俱潰而東安慶被園益急遣使來求 撫布哈萬戸明安駐池口以防遏上 州再陷桑節死之曼濟哈雅及威

錢穀器具而已吾受命總兵其可視之而不恤哉即大

四年公典日

皆應之已延特穆爾會諸將謀曰賊表裏連結若俟其 遂解十三年三月賊衆復來攻池州東且十萬諸縣 帮 藏以周之清軍皆大集而兩軍之勢復振安慶之 卷一百四十四

壘成而坐食諸縣之栗破之實難令新至疲弊如乘

與戰果大敗之擒其偽帥俘斬無算諸縣復平遂乘 縣情盡銳攻之則項刻之問功可成矣衆曰諾遂分

率舟師以進五月與戰于望江又戰小孤山及彭

又戰龍開河皆破走之進復江州留兵守之七月進兵

諸贼皆已破乃機已延布哈征淮東曼濟哈雅守裕 攻斬州擒其偽帥郭普泰遂克其城進兵道士狀焚其 免以功赐上尊黄金带時丞相托克托方總戎南征 巴河於是江路始通十一月與曼濟哈雅四川行省參 政事哈喇圖在丞桑圖實理西寧王英實軍合而 拔其偽都獲偽將相而下四百餘人徐壽輝僅以身 左丞已延布哈等軍亦來會十二月分道進攻斯水 蘭溪口城之巢曰黄連砦又克而殲之分兵平兩 聞 溪

足习事私書

桑節字吉甫河西人曾祖多爾濟祖吹斯歌多爾濟父 為花馬兒平章云 性至孝幼養於叔父阿珠事之如親父常乘花馬時 月 不敢干以私其為將所過不受禮遺宴搞民不知有 口威順王還武昌而巴延特穆爾獨控長江十六年六 復以軍守池州十一月卒巴延特穆爾持身廉介人 桑節 兵

吹斯武世事太祖憲宗世祖為克将穆爾齊系節事仁

為江南行御史臺御史大夫時承平日久內外方以觀 有以自私請者拒不納則誣以事劾之章至桑節怒曰 **愈事三寶珠儒者也性廉介所至搏貪猾無所貸御史** 望為政桑節獨持風裁御史行部必物属而遣之湖東 宗潛邱以精敬稱至治初授中尚監改右侍儀兼修起 居注拜監察御史有直聲自是十五遷為宣政院使出

其極執政者惡之移湖廣行省平章政事湖廣地連江

灾 足 习 車 公 書

元史

若人之廉孰不知之乃敢為是言耶即奏杖御史而白

賈 扉台以入桑節引繩林坐王中門西言曰吾受天子命 威 伯父叔父者也今德音不聞而劈獵宣淫賈怨於 王王命啟中門桑節八責王曰王帝室之懿古之 以網大利有司莫敢忤桑節至謁王王闔中門啟 所以自 牧非王私臣也馬得由不正之道入乎閣者懼 順王歲當出獵民病之又起廣樂園多幸名倡 始 多福也王急握桑節手謝之為悉罷其 卷一百四十四 所 左 巨

扗

所為番僧曰小住持者服三品命服恃寵橫甚數以事

凌縣官府桑節命掩捕之得妻妾女樂婦女十有八人 其事屬鄭賊聞之遣其黨二千來約降桑節與鄭誤曰 賴妖賊起會係屬議之或曰有鄭萬户老将也宜起 具罪而籍之由是豪强斂手貧弱稱快至正十一年 詐也然降而卻之於事為不宜宜受而審之可也果 用之桑節乃命募王兵完城池修器械嚴巡警悉以 其情乃殲之械其渠魁數十人以俟命適有古名為

大司農同僚受賊敗且城其功乃誣鄭罪釋其所械者

平官軍止有三百人贼號百萬衆皆欲走桑節曰畏 置桑節至江東部令守江州時江州已陷城據池陽 逃其可免乎乃貸富人錢募人為兵先是行臺募兵人 大喜命賜食時军不悦奏為江西行省平章政事員外 大夫不去吾豈為俘囚乎桑節既入見具陳賊本末帝 明日賊大至內外響應城遂陷武昌之人厮首夜泣曰 逃非勇也坐而待攻非智也汝等皆有妻子財物 反匹犀全書 1

給百五十千無應者至是桑節募兵人五十千東爭赴

馬灣賊敗走分兵躡之抵白滔賊窮急回拒官軍官軍 之一日得三千人乃具舟楫直趨銅陵克之又破賊白 走之進據清水灣同者告賊艦至自上流順風舉帆東 乘勝奮擊賊盡殪擒其渠魁周驢奪船六百艘軍聲大 數十倍諸将失色桑節曰無傷也風勢藏彼倉卒必 命王惟恭列陣當之鋒始交出小艦從旁横擊大破 遂復池州乃命諸将分道討賊復石埭諸縣賊復來

不得泊但伏横港中偃旗以待俟過而擊之無不勝矣

桑節曰吾受命守江西必死於此衆其敢復言有項 處燒營走進復湖口縣克江州留兵守之命王惟恭 廣已陷江西被圍淮浙亦多故卒無繼援之者日 孤山而桑節自據番陽口級江湖要衝以圖恢復時 益乏士卒成因或曰東南完實盍因糧以圖再舉乎 殊死戰風反為我用又大破之時賊久國安慶捷 怒水駛賊在忽而過乃命舉旗張帆鼓謀而薄之官 聞

乘大船四集來攻我軍取萧華編為大筏塞上下流火

少擊衆得人死力云 及在軍中能與將士同甘苦以忠義感激人心故能以 再拜曰臣力竭矣遂絕年五十七桑節為人公廉明決 饋以食桑節斥之遂不復食凡七日乃自力而起北面 素間桑節名不忍害异置密室中至旦乃蘇賊羅拜爭 之我軍力戰衆死且盡桑節之從子拜布哈與親兵數 十人死之桑節猶堅坐不動贼發矢射桑節乃各仆賊

奏以待命福再獨以為比使得請還則事有弗及矣 為燕南廉訪使又五邊為同知樞密院事至正十一 潁 為饒州路達噜喝齊握准西廉訪副使入為工部侍 壽唐古人幼俊茂知讀書尤善應對既長入備 愈太常禮儀院事拜監察御史改户部侍郎陛尚書 年勞授長寧寺少卿改引進使胜知侍儀使進正 州 以賊反告時車駕在上都朝堂皆猶豫未決 環衛 欲

是決議調兵五百遣衛官哈喇章實都奇爾討之而

事將苗軍來援事平其軍鎮揚州而鄂爾和御軍無紀 臺御史大夫先是集慶曾有警部爾和以湖廣平章政 幾出為淮南行省平章政事是時豪四俱己陷師久無 後以聞順帝善其處事得宜明年改伊克扎爾古齊未 石頭斷江面守禦有方衆恃以為固十五年遷江南行 功福壽至督戰甚急而上游賊勢甚為湧福壽乃議築

以叛而集慶之援遂絕及萬郵盧和等州相繼淪陷

律苗蠻素獲悍日事殺房其能治俄而苗軍殺勢

慶勢益孤人心益震恐且倉庫無積蓄計未知所出

六年三月大明兵圍集慶福壽數督兵出戰盡閉諸 是民乃願為兵以自守福毒因下令民多費者皆助 鉤激属士衆為完守計朝廷知其勞數賞查馬十

獨開東門以通出入而城中勢不復能支城遂破百

司皆奔潰福壽乃獨據胡林坐鳳凰臺下指麾左右或

之去此之曰吾為國家重臣城存則生城破則死

勸

往哉達鳴鳴齊達年達雜見其獨坐若有所為者從

道通高昌人自號石嚴性深沈寡言以世胄入官授直 年達薩字思明賀方字伯京晉寧人以文學名事間朝 達年達薩亦死之又同時死者有治書侍御史賀方達 問所決留弗去俄而亂兵四集福壽遂遇害不知所在 衛國公益忠肅 贈福壽金紫光禄大夫江浙行省左丞相上柱國追 道通

省舍人歷官清顯素負能名調信州路總管移平江皆

元史

江 丞遂陛本省平章政事十一年 的仍以平章政事行省 以善政稱至正元年遷大都路達噶噶齊出為江浙行 鉈 郎中布延布哈曰令賊勢衝突城中無備萬一失守 察知政事尋台參政中書頃之又出為江浙行省 既而土寇遙起道通素不知兵事倉皇無所措左右 西是年贼起勤黄平章政事塔奇勒布哈將兵捍 何有章已延左丞者致任居撫州其人熟知軍務宜 匹庫全書 右

以便宜禮請之使署本省左丞事專任調遣軍旅庶幾

東來圍城城中置各廂官及各巷長畫戶堅守衆心愈 通始自南昌民家來歸遂議分門各守以備敵三月賊 印通走布延布给還與已延定為城守之計後數日道 兵往江州至石頭渡遇城戰敗道通聞之大恐即懷省 報國之秋也至則與布延布告設禦敵計甚悉明年正 事有可濟道通從其言而已延亦欣然為起曰此正我 月湖廣陷塔奇勒布哈由江州遁還二月布延布哈將

然而道通素恤民能任人有功者必賞無功或不如罪

飲定四車全書院

黨是時章已延布延布於之功居多已延尋以疾卒朝 朝廷命琳心巴勒為江西行省左丞相和尼齊為左丞 廷以道通择城有功加大司徒開府賜龍衣御酒及秋 擊賊賊驚以為神敗走遂乘勝掛其營復分兵掃具餘 拉噶低領之夜半開門伏兵柵下黎明缸鼓大震因奮 士數千人面塗以青額林黃布衣黃衣為前鋒又別選 故多為之用賊圍城凡两月而民無離志道通家召死 鋭數千為中軍而募助陣者殿後命萬户章托音布

事加營國公行便宜事任專兵柄而素與道通不相能 雜官米一斗入昏鈔二貫又三日買官鹽十筋入昏鈔 八年夏四月陳友諒復攻江西時和尼齊已陞平章政 二貫民皆便之由是按堵如故而賊亦不敢犯其境十 行省借米數十萬石鹽數十萬引凡軍民約三日人 將兵來江西未幾琳沁巴勒卒道通屬和尼齊平富 二州分鎮其地適歲大旱公私匱乏道通乃移咨江


且貪忍不得将士心見城且陷送夜通去道通亦棄城

大 N 习事 在 A 元 电

目復見人乎適賊追者至道通欲迎敵渡水未登岸因歎曰我為元朝大臣官至極品令城陷不守尚何 東乘之遂為所害事間賜諡忠烈 退保撫州路欲集諸縣義兵以圖克復而勢已不可為 金为四月百日 面

元史卷一百四十四

達一爾瑪傳使辭屈還其書與布 達爾瑪傳至治元年除濟寧路總管 達商瑪傳行唐縣民政桑道例 元史卷一百四十四考證 篟 地理志改 而達|爾瑪之除總管本紀及他傳俱未載及站仍其 治元年及二年此處係複出考至治紀元止于三年 按行唐舊訛行堂據 按選字舊記遠今改 按上文已載至



年超拜翰林侍講學士中奉大夫至治二年調同知通 事琳沁巴勒性剛正動有禮法仁宗令入宿衛延祐六 琳沁巴勒西夏人父安巴以忠勤事世祖為知梅客院 欽定四庫全書養要卷六千五百二十四史部 列傅第三十二 元史卷一百四十五 琳沁巴勒 明翰林學士亞中大夫知制語無修國史宋濂等修 元史

林學士承肯榮禄大夫選功德使指揮使如故尋出為 元之間巴延為丞相專權擅政嫉其論事不阿出為江 夫同知樞密院事握侍御史仍魚指揮使至順初拜翰 夫典瑞院使天歷二年以選為太子家令尋陞資政大 政院事權虎符唐古親軍都指揮使泰定初遷資善大 行臺御史大夫尋殺其子達爾瑪而調置海南及巴 西行省平章政事未行復為翰林學士承古元統至 定匹庫全書

延敗乃得召還朝至正六年拜光禄大夫御史大夫盡

變且板臺臣同上奏琳沁巴勒曰凡為相者熟無閒退 台與子丞相托克托既謫居在外時相欲傾之嗾人告 新宣忠烏魯斯扈衛親軍指揮使嘗奏言風俗人心日! 超於簿請禁故吏不許彈劾所事官長太師滿濟勒喝 太醫院尋加金紫光禄大夫復為御史大夫知經疑事 安立石頌之名還為銀青榮禄大夫知樞密院事提調 使出為甘肅行省平章政事設法弭西羌之寇民賴以 選中外廣能之官置諸風憲一時號稱得人選宣政院

相帝 數進言于時相不見聽復出為江浙行省在丞相十二 客院事十一年賴亳兵起朝廷命將出師多失律致 講 浙行省平章政事選拜湖廣行省左丞相復召知 托克托父子無大谷過奈何迫之於險然不從經筵 移江西行省左丞相於時妖寇由斬黃陷饒州饒之 不聽琳心巴勒反復論奏不已由是忤上意出 必詳必慎每讀譯文必被嘉納監察御史劾奏時

屬邑安仁與龍興接境其民皆相挺為亂琳沁巴勒道

士承吉知制語無修國史僧格巴勒同知青海宣慰司 部為之喪氣事聞贈推忠佐運正憲東義同德功臣 以寬容為政軍民懈弛琳沁巴勒至風采一新威聲大 久為益區亦聞風順 齊王諡忠獻子九人長達爾瑪次布達實理翰林學 所在聲盜成謀歸致矣十四年八月以疾卒于官所 安仁因駐兵招之來者厚加賞費不從者命子哈喇 濟與江西左丞和尼齊等乘高縱火攻散之餘干 服先是江西行省平章政事道

相 阚 克嘉實理嶺北行省參政伊納克實理大宗正伊克 泣下獨養母而家日不給垢衣賴食不以為恥母喪 理哀哈雅廣德路達唱喝齊和斯哈雅幼孤言及父 和斯 古齊滿達實理簽書樞密院事滿拉實理內八府宰 齑 和斯 哈雅字公亮博囉哈雅之孫希憲之從子也父 哈雅

事哈喇多爾濟宣政院使僧格達實獨北行省平章

百四十

盒

四月全建

學積分至治元年登進士第授永事郎同知順州事有 即 哀毀瑜禮負喪渡江而風濤作舟人以神龍忌屍為言 雅 弓 仁宗實録尋拜監察御史時中書省有大臣貪猥狼籍 經號廣孟子今方設料取士願讀書以科第進乃入國 止年弱冠大臣欲俾入宿衛辭曰吾伯父事世祖以通 至即治其事在官期年用薦者召入史館預修英宗 近提舉湍達勒者怙勢奪州民田同列畏之和斯 仰天大呼曰吾將稍母于先人神奈何既我也風遂

たこり巨

5

奏明将棟阿不當攝祭太廟遷都水監疏會通河院 抗章劾之語同列曰償以言責獲罪吾之職也既又

卷一百四十五

事選江浙行省左右司員外郎既而歷儉河東河南江 疏言二月迎佛費財蠹俗時論題之出愈淮東廣訪司 凛添二水又修京東 問歷秘書还會福總管府治中上 西廣訪司事陛江南行御史臺經歷時山東鹽法大壞

正三年初行郊禮台拜侍儀使明年預修遼金宋三史 以選除都轉運使曾未暮月用課最賞賽金幣上尊至 寧居歲餘奉治還治省事總備禦事且督賦稅由海道 遷崇文太監自是累遷為河南行省右丞時有部發民 客院事改拜福建行省右丞以兵鎮延平部武境内以 丞時所隸郡縣多陷于賊乃與平章政事司徒道通協 行省右丞以武昌失守連坐既而事白選江西行省右 西省治亦陷和斯哈雅通往福建久之除食江浙行 舜力以定守禦招捕之策就除本道庶訪使未幾江 決河編騷屬郡亟以不便上言而時宰不用遷湖廣

於 芝口車 全書 風

京師朝廷賴馬遷行宣政院使明年拜翰林學士承 噜布哈字彦明蒙古蘇達蘇氏生而容貌魁偉咸以 知制語無修國史卒年七十有一

性先生為文下筆立就聚然成章就試江浙圍中右

榜第一方揭晓武官夢月中有花象已而果符其名

附會登元統元年進士第授将仕即台

令器期之未冠父圖卜特移爾以千户成越因受業于

儒士為之師以教後進丁外艱至正八年朝廷立行 水監以選為其監經歷尋推廣東廣訪司經歷會廷 路録事司達唱噶齊縣未有學乃首建孔子廟既又

産之高下以為雜之多寡不擾而事集既而軍的不給 吏部員外郎奉命至江浙羅栗二十四萬石至則第户 將治河決以行都水監丞名之比至改集賢待制

恐澤不下民而民不得其所耳然奈盗賊何夫討賊者

鉑 先糧的以我不汝擾故命我復來盖討賊即 察 太室繼又上疏言皇太子天下之本當簡老成重 耳父老其謂何衆咸應曰公言是也不踰月糧事以 輔導以成其德帝皆嘉納之陛吏部侍郎鈴選於江 丁母憂中書遣賻且起復不應未幾太師右丞相托 南 稱其公允適朝廷有建議欲於河間長蘆置局造 御史首上疏言郊廟禮甚缺天子宜躬祀南郊 征辟從軍督饋的饋的用舒陞吏部即中尋拜

撫吾民遂以尚書仍知郡事會賊北渡河日修城沒豪 戰守具廷議發五省八衛軍出戍外鎮伊嚕布哈疏 俄除吏部尚書保定父老百數指闕言乞留監郡 數十萬石於新鄉苦弗便伊唱布哈請輸京倉以 '京畿除保定路達噜噶齊陛解語諭諄切保定歲 謝日微公言吾民其斃矣會方重選守令以保定家 件議者遷工部侍郎後分部彰德道過河間民遮摊 船三百艘者伊噜布哈即為書具言其非便言入中 起日車公馬

大

大夫錫上尊四馬百正係佐增我有差别降宣勅俾賞 有 保定一月而城陷矣朝廷以伊噜布哈夙負民望令 奏與番僧為業者伊唱布哈格之卒弗與轉吏部尚 功 二寨民義軍勢大張賊再侵境皆不利追去陛中奉 留其兵護本郡遂無統黑軍數千人及團結西山八 路達嚕噶齊有執政以故中書令耶律楚材先登地 者台還為詳定使保定民不忍其去繪像以祀之 招 諭之抵城賊堅歷不出民多竊出謁拜者改大

卷一百四十五

音若曰朕以畿甸之民渡椒特選爾撫吾民爾毋峻威 泉悉難其行伊唱布哈毅然曰臣死君命分也奈何先 覺被擒殺之思忠壁守遂益堅詔令伊鸣布哈招撫 書會劇賊程思忠據永平其佐雷特穆爾布哈偽降事 及皇后皇太子皆遣使賜之酒有權臣以免役事來謁 侍講學士俄復為大都路達噜噶齊入見帝宣文閣有 死法或挾權以干汝於非法其即以聞視事之初帝 禍福哉竟入城諭賊賊皆感泣羅拜納降還遷南 A ALIS EV 元史

子而匿身木櫃中蔽以菜秸脫走至慶元士誠部下察 不能刺賊以報國别乃與賊同處耶令同壽具舟載妻 以上尊金幣皇太子亦書成徳誠明四大字賜之伊噜 む 王號度弗可與並處謂好同壽曰吾家世受國思恨 噜布哈面斥曰聖訓在耳不敢違轉資善大夫拜江 禄大夫既而除浙西肅政廣訪使會張士誠據浙西 哈乃由海道超紹興為政寬猛不頗韶進階一品為 行御史臺中丞陛解之日帝御嘉禧殿慰勞之且賜 定 月在世

者八十餘人事聞朝廷贈據忠宣武正憲徇義功臣 廣訪使浮海北而往道阻還抵鐵山遇倭賊船甚眾乃 青崇禄大夫遼陽等處行中書省平章政事上柱國 舟攫伊嚼布哈令拜伏伊噜布哈罵曰吾朝廷重臣寧 賊拜 同舟人力戰拒之倭賊給言投降弗納於是賊即 樞客院判官羅 耶遂遇害當遇害時應家奴諾海剌殺首賊次 阿姓伯嘉努打敵亦死之同舟死事

知之遣鐵騎百餘追至曹娥江不及而反俄改山南道

國公證襄惠達爾瑪實理幼顏敏從師授經史過目朝 達爾瑪寶哩字遵道齊哩克台氏其先北方大族六世 祖 居開平父阿拉克布哈江西行省参知政事追封趙 達爾瑪實哩

はなって

十五年拜監察御史出愈山北道肅政庶訪司事未行

解至正五年經筵選充譯史益自砥礪于學招紳先

皆以遠大期之轉補御史臺譯史遂除御史臺照磨

司土嶺東鎮三州以督轉輸二十四年朝廷以前中書 二十三年冬遷上都留守魚開平府尹加榮禄大夫分 甸人心大恐達爾瑪實哩能鎮之以静民恃之以為安 十九年除刑部尚書提調南北兵馬司巡綽事盗逼畿 年歷私書太監吏部侍郎御史臺經歷中書右司郎中 二十一年由中書參議陛中書参知政事同知經筵事 除中議尋陞參議詹事院事十七年為太子家令十八

留為詹事院長史俄遷工部員外郎復留為長史明年

九 己日 奉 上 专 人

哩部落達爾瑪實哩遇之有禮善安辭去博囉特穆爾 以金印俾駐上都之東郊而以留守善安集兵於鄂濟 京師而皇太子居于外達爾瑪實理與達實特移爾皆 穆爾為大司農達實特穆爾謂達爾瑪實哩曰我至京 以忠義許國相與結人心以觀時變未幾改授達實特 平章政事達實特穆爾來為留守時博囉特穆爾擁兵 穆爾命屯兵哈里泊託腹心於宗王伊蘇額布根授 則制於强臣未易圖也因留不行適塔奇勒以博囉 卷一百四十五 巴爾噶齊虎責司紀集丁壯苗軍火統什伍相聯一旦 陳恭取兵與州訪求在間官吏之有才者約束東西手 樞密知院伊埒岱爾請函調兵南行又遣留守司照磨 達爾瑪實理與之周旋略無幾微見於外而密遣前宗 正 復調特穆爾托噶蘇克至上都以守禦為名事益矛盾 扎爾古齊伊唱特穆爾潛通音問于汗哈勒哈及行

大駁一夕東走其所將兵盡潰由是達爾瑪實哩增修

Þ

In the paper

元史

列鐵確等山下楊言四方勤王之師好至特穆爾等

乃定己而圖沁特穆爾師鐵甲馬步軍蔽野而至呼聲 動天達爾瑪寶哩的軍士城守申明逆順之理以安人 省達實特穆爾為平章政事達爾瑪實理為右及便宜 武備城守益嚴二十五年皇太子在其寧命立上都分 以兵犯上都先遣利用少監特穆格齊至上都令廣備 行事以固護根本七月圖沁特穆爾用博囉特穆爾命 鎮遠 进大軍達爾瑪實理開陳大義戮之於市民情

四月在十二

卷一百四十五


心巡視城壁畫夜不少息夜遣死士總城而下焚其攻

齊又明年拜太子詹事本站至軍中宣明大義藩將感 位居第一力解不允明年名為大宗正府伊克扎爾古 噶齊既而上都分省罷遥授中書平章政事上都留守 賣司加光禄大夫賜黃金繋腰仍命提調東西手巴爾 皆奔潰而上都以安拜中書右丞無上都留守提調虎 大戰臥龍岡敗之未幾博囉持穆爾伏誅圖沁特穆爾 具 而調副留守圖唱點色哈雅引兵由小東門出與之

悦遷翰林學士承古秋除知樞客院事大撫軍院事初

足日車公告一

爾吾功臣之後且誠實故召汝語汝明旦亟以吾言告 章者阿爾拉氏阿唱圖孫也夜夢太祖名見語之曰我 實克巴延特穆爾李國鳳等計專備樂庫庫特穆爾既 以勤勞取天下以傳于托散特穆爾而阿裕爾實哩達 且無可為者達爾瑪實理之卒也先一夕集賽官哈喇 大撫軍院之立皇太子用諤勒哲特穆爾達爾瑪特哩 政權不一事務益非各引去而達爾瑪實理之至事 不克肖似麼壞我家法尚不即改圖天命不可保矣



庶和斯哈雅傳吾伯父事世祖以通經號產孟子 額 額琳心巴勒傳天歷二年以選為太子家令 知經筵事 琳沁巴勒傳召還為銀青榮禄大夫復為御史大夫 改 舊訛太歷據本紀改 伯父舊武大父考本傅和斯哈雅為希憲從子令據 按選字舊訛遠知字舊訛則並據文義 按天歷 按

灾至日事全書

元史卷一百四十五考證

達爾瑪實理傳與達實特穆爾皆以忠義許國 伊噜布哈傳至正八年朝廷立行都水監 實持移爾原文作塔失帖木兒又作塔世達世俱係 **就元年據百官志改** 改 一人令併改 按八年舊 按達